

25. april

Aktiaateqarluni piginneqataassuteqarlunilu ingerlatseqatigiiffiit pillugit inatsisip (ingerlatseqatigiiffiit pillugit inatsisip) atuutilernissaa pillugu Kalaallit Nunaannut peqqussummut oqaaseqaatissamut Inatsisartut aalajangiiffisassaattut siunnersuut.

(Inuussutissarsiornermut, Naalakkersuisoq)

Siumumiit pisariaqartut isigaarput Kalaallit Nunaanni ingerlatseqatigiiffiit pillugit inatsisaasut pissutsinut naleqqussarlugit nutarterneqartarnissaat, taamaattumik nuannaarutigaarput matumuuna taaneqartuni allannguutissatut siunnersuutit saqqummiunneqarmata.

Ingerlatseqatigiiffiit pillugit allannguutissatut saqqummiunneqartut arlaqarput, pingaarnertut ataatsimut isigalugit oqaatigineqarsinnaalluni qarasaasiatigut naleqqussaaneerit elektroniskiusumik nalunaarsuinerit ingerlanneqartalissallutik.

Maluginiagassat ilagaat 5% tungaallugu piginnittut matoqqasumi pisortanit oqartussaasunit takuneqarsinnaalissammata, annertunerusumillu piginnittut ammasumik tamanit takuneqarsinnaasumik nittartakkatigut saqqummissammata.

Siunertaavoq ajornannginnerusumik piginnittuussutsimullu tunngasutigut ammanerusumik ingerlat-sinissamik qularnaarinissaq, tamatumalu nassatarisaani ilitersuutinik arlalinnik nittartakkatigut takuneqarsinnaasunik pilersitsisoqarpoq.

Aallarnisaasut piginneqatigiiffii immikkut ittumik andelsselskabiusut oqinnerusumik selskabilior-luni aallarnisaanermik suliallit salliutillugit sullinniagaapput, taamatullu piginneqatigiiffimmi ikin-nerpaamik ataatsimik aningaasaatinik piginnittuussuseqartoqassalluni, tamannalu nunatsinni inuus-sutissarsiornikkut aallarnisaanerup annertusarniarneranut naapertuulluarpoq.

Aallarnisaasut tassaapput 1 kr.-mik aningaasaateqarlutik piginneqatigiiffimmik aallartitsisinnaasut, kingornalu selskabinut allanut annertusineqarsinnaallutik, piginnaasat pisinnaasallu annertusineri malitsigisaannik ingerlaqqiffissaqarlutik. Taamaattorli pisussaaffeqassalluni minnerpaamik 25%-mik illikartitsisarnissamik.

Allannguutit ilagaat Andelsselskabinut aningaasaatinut piunasaqaatit kr. 125.000-niit kr. 50.000-nut appartinneqassammata aammalu aktianik piginnittuusut aqqi allattugaanngitsut tigungmiartup aktiaataatut taaneqartartut aktiaatillip kinaanerani isertuussisinnaaneq akileraarutinillu akiliinngit-soorsinnaaneq pinngitsoortinniarlugu qarasaasiakkut Pisortat Piginnittunik nalunaarsuiffianut nalunaartussaataitanermik pisussaaffeqassammata.

Piginneqatigiiffinnik pilersitsinerit pilersinneqarnerini ataatsimeersuartoqarnissaanik piunasaqaat peerneqarpoq taamaasilluni pilersitsiniarluni aallarnisaaneq aamma ajornannginnerulersinneqarluni, saniatigut aqutsisoqarnikkut aqqissuusinerit periusissatigullu aqutsinerit siulersuisunit isumagine-qassaaq ulluinnarni aqutsineq qullersaqarfimmiit ingerlanneqartassalluni.

Maannamut aktianik piginneqatigiiffiit pillugit inatsisaasup piumasaqaatigisaa Atuagalliutini tamanut saqqummersitsisassasoq atorunnaarsinneqassaaq taamaallaallu Erhvervstyrelsen qarasaasiaqarfiatigut periarfissaasoq tamanut saqqumisumik takuneqarsinnaasalluni.

Taamaasilluni aningaasaatinik piginneqatigiiffiit eqaannerusumik aqutsinissaanik periarfissaqarnerulernissaat anguniarneqarmat tamanna Siumumiit iluarisimaarlugu peqqussutissatullu missingiut Inuussutissarsiornermut ataatsimiititaliamut ingerlasussaannorlugu innersuupparput.

Suka K. Frederiksen

Siumut